

UGOVOR

putem direktnog sporazuma za javnu nabavku i ugradnju "Eurokuka za Toyotu"

I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ul. Fehima ef. Čurčića br. 1., 71000 Sarajevo, koju zastupa direktor, Jasmin Terović, (u daljnjem tekstu: **Kupac**), ID broj: 4200665390008
2. **DODEX-AUTO d.o.o.**, ul. Kobiljača bb, 71250 Kiseljak, koju zastupa direktor, Ivan Milardović (u daljnjem tekstu: **Prodavac**), ID broj: 4236370140004.

U daljnjem tekstu Ugovora, kada se Kupac i Prodavac navode zajednički, tj. zbirno, tada su označeni kao "**Ugovorne strane**".

II OSNOV ZA ZAKLJUČENJE UGOVORA

Osnov za zaključenje ovog Ugovora je Ponuda Prodavca broj: 00337/20 dostavljenoj 28.12.2020. godine i Odluka o izboru za nabavku roba, Kupca, broj: 06-11-2321-3/20 od 28.12.2020. godine.

III PREDMET UGOVORA

Član 1.

Predmet ovog Ugovora je nabavka i ugradnja "Eurokuka za Toyotu" prema tehničkoj specifikaciji, koja je navedena u obrascu za cijenu ponude i Zahtjevu za dostavu ponude Kupca, broj: 06-11-2321-1/20 od 25.12.2020. godine, kao i Ponudi Prodavca broj: 00337/20 dostavljenoj 28.12.2020. godine, koje čine sastavni dio ovog Ugovora.

Član 2.

Prodavac je dužan isporučiti i ugraditi predmet nabavke iz člana 1. ovog Ugovora prema svojoj Ponudi i specifikaciji Kupca.

IV CIJENA I NAČIN PLAĆANJA

Član 3.

Ukupna vrijednost ugovorene nabavke definisane u članu 1. ovog Ugovora iznosi: 1.638,00 KM (slovima: hiljadušeststotinatridesetosam KM).

U ukupnu cijenu iz stava 1. ovog člana, uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

Kupac se obavezuje da će ukupni iznos iz stava 1. ovog člana isplatiti na račun Prodavca broj: 161070 00056 50032 otvoren kod Raiffeisen Bank d.d.

Član 4.

Ugovorne strane su saglasne da će Kupac ukupan iznos iz člana 3. stav 1. ovog Ugovora isplatiti Prodavcu po obostranom potpisivanju ugovora, a nakon isporuke i ugradnje predmetne robe u roku od 10 dana.

V ROK I MJESTO ISPORUKE

Član 5.

Prodavac se obavezuje da će robu iz člana 1. ovog Ugovora, isporučiti i ugraditi na adresi Prodavca, ul. Kobiljača bb, 71250 Kiseljak najkasnije u roku od 20 dana nakon obostranog potpisivanja ovog Ugovora.

VI KVALITET ROBE

Član 6.

Prodavac se obavezuje da će isporučena i ugrađena roba iz člana 1. ovog Ugovora, biti traženog kvaliteta i karakteristika, odnosno kvaliteta i karakteristika koje je dao u svojoj Ponudi broj: 00337/20 dostavljenoj 28.12.2020. godine, a koju je Kupac odabrao kao prihvatljivu i kvalifikovanu.

Primopredaju ugrađene robe iz člana 1. ovog Ugovora između Prodavca i Kupca izvršit će ovlašteni predstavnici Prodavca i Kupca.

VII OBAVEZE PRODAVCA I KUPCA

Član 7.

Prodavac se obavezuje:

- da će ugovorenu obavezu izvršiti blagovremeno, u ugovorenom roku, u skladu sa zahtjevom za dostavu ponude, a prema dostavljenoj Ponudi;
- da će u najkraćem roku otkloniti eventualne nedostatke koji mu budu predočeni prilikom primopredaje ugrađenih roba iz člana 1. ovog Ugovora od strane ovlaštenog lica Kupca;
- da će Kupcu predati Katalog sa tehničkim specifikacijama i uputstvom za upotrebu za ponuđenu opremu;
- da će Kupcu predati atest i ostalu dokumentaciju vezanu za ugrađenu robu iz člana 1. ovog Ugovora, a koja je potrebna za registraciju vozila.

Član 8.

Kupac se obavezuje:

- da će izvršiti uplatu ukupne cijene vrijednosti ugovorene robe iz člana 3. ovog Ugovora, na način i u roku utvrđenom u članu 4. ovog Ugovora;
- da će pismeno obavijestiti Prodavca o svakom eventualnom propustu Prodavca u odnosu na pitanja utvrđena ovim Ugovorom.

VIII PRIJELAZNE I ZAVRŠNE ODREDBE

Član 9.

Prodavac nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 10.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 11.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz bilo kojeg razloga, to ne budu moguće, nadležan je Općinski sud u Sarajevu.

Član 12.

Ovaj Ugovor stupa na snagu danom njegovog potpisivanja od strane ovlaštenih predstavnika Prodavca i Kupca.

Član 13.

Ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) potpisana i ovjerena primjerka.

**ZA PRODAVCA
DODEX-AUTO d.o.o.**

Ivan Milardović

Broj: 337-12/12-20
Sarajevo, 30.12.2020. godine

ZA KUPCA

Jasmin Terović

Broj: 06-11-2321-5/20
Sarajevo, 29.12.2020. godine

